

Kommuneqarfik Sermersuumi eqalunniarneq pillugu malittarisassat

§ 9, imm. 2 aamma Namminersomerullutik Oqartussat eqaluit aalisarneqarnerat pillugu nalunaarutaat nr. 20-mi § 13, 25. aggusti 2005-imeersoq naapertorlugu imatut aalajangersaasoqarpoq:

§ 1. Kommuneqarfik Sermersuumi qassutit atorlugit aalisarneq immikkoortuni ukunani eqqissitilluinnarneqarpoq:

- 1) Eqaluit: Eqaluit Qeqertaata aamma Eqaluit Qeqertaata nuuata kujataa'tungaanut titarlugu, allorniusaq $61^{\circ}15'10''$ N - $48^{\circ}05'55''$ V. Immikkoortoq ilanngussaq 1-imi takutinneqarpoq.
- 2) Ikka: Snævringenimiit kangerluk tamaat, allorniusaq $61^{\circ}10'20''$ N - $48^{\circ}02'57''$ V aamma ilummut. Immikkoortoq ilanngussaq 2-mi takutinneqarpoq.
- 3) Qoornoq: Qoornup kujutaani iigartartup kujataanit masarloqarfiup kitaa tamaat, avannamut kangimut Qaamasunnguuaq aamma Qoornup avannaani iigartartoq aamma Atarnup Tasia killigalugit, kujataatalu tungaani tatsit marluk atasut. Immikkoortoq ilanngussaq 2-mi takutinneqarpoq.
- 4) Tissaluup Eqalui: Tissaluup Iluani kangerlummi Akuliarisinnguuaq aamma Innannguit akorngi titarlugit: allorniusaq $61^{\circ}24'30''$ N - $48^{\circ}42'50''$ V aamma $61^{\circ}23'31''$ N - $48^{\circ}44'15''$ V Immikkoortoq ilanngussaq 3-mi takutinneqarpoq.
- 5) Eqaluit Paamiut eqqaaniittoq, allorniusaq $62^{\circ}03'14.03''$ N - $49^{\circ}25'08.06''$ aamma $62^{\circ}03'13.56''$ N - $49^{\circ}23'52,10''$ V, taamaattorli takuuk imm. 2. immikkoortoq ilanngussaq 4-mi takutinneqarpoq.

Imm. 2. Imm. 1-imi allassimasuni immikkoortuni tamani qissattaammik aalisarneq pisinnaavoq.

Imm. 3. Sinerissamut imaluunniit imaanut igitanik assigisaannilluunniit igitsineq inerteqqutaavoq, aalisakkat igitassartai ilanngullugit, sumiiffimmiit nassarneqassapput.

§ 2. Tatsit aamma kuuit uku aalisariaatsinut tamanut eqqissisimatilluinnarneqarput:

- 1) Paatusoq Ilanngussaq 5 malillugu
- 2) Kangialiarfik Ilanngussaq 6 malillugu
- 3) Sarfatsiaat Ilanngussaq 7 malillugu
- 4) Saputit Ilanngussaq 8 malillugu
- 5) Qinnbertuaq Ilanngussaq 9 malillugu
- 6) Tasiilaq Ilanngussaq 10 malillugu
- 7) Isertua Ilanngussaq 11 malillugu, amma
- 8) Qiddalikkat Ilanngussaq 12 malillugu

§ 3. Qaamasunnguup kangerliumarngata avannaani angallatit suulluunniit angalanissaat inerteqqutaavoq, allorniusaq $61^{\circ}10'49''$ N - $47^{\circ}48.14''$ V, aamma Atarnup Tasiiani nerukilleriarnerup kujataata'tungaa allorniusaq $61^{\circ}07'35''$ N - $47^{\circ}54'08''$ V.

§ 4. Ujaqqanik sapuserluni assiaqusersuilluni piniarneq inerteqqutaavoq.

Pillaateqartitsinerit

§ 5. §§ 1-4-mik unioqqutitsineq akiliisitsinermik kinguneqartinneqarsinnaavoq. Akiliutigineqartoq Nunatta karsianut nakkartinneqasaaq.

Atuutilerera

§ 6. Malittarisassaq una atuutilissaaq ulloq 1. juuni 2015.

Imm. 2. Atuutilersitsinerup malitsigisaanik uku malittarisassat atorunnaarsinneqarput:

- 1) Nuuk kommuniani eqalunniarneq pillugu malittarisassaq 4. marsi 2007-mi atuutilersoq.
- 2) Kommunimi malittarisassaq Ivittuuni Eqalunniarneq pillugu malittarisassaq atuutilersitaq 28. novembari 2007-mi.
- 3) Paamiuni eqalunniarneq pillugu Paamiut Kommunea-nit malittarisassaq 21. oktobari 2005-mi atuutsilersitaq.
- 4) Ammassalik Kommunea-nit eqalunniarnermi malittarisassaq, atuutsilersitaq 14. maaji 2002.

Kommuneqarfik Sermersuumi kommunalbestyrelsimit aalajangiunneqarpoq ulloq 26. novembari 2013.

Kommuneqarfik Sermersooq

Borgmester
Asii Chemnitz Narup

Asii Chemnitz Narup, Kommuneqarfik Sermersuumi Borgmesteri

Namminersorlutik Oqartussat, ulloq 13 - 05 2015

KARL-KRISTIAN KRUSE

Karl-Kristian Kruse, Aalisarnermut, Piniarnermut, Nunalerinermullu Naalakkersuisoq